



Broj: T18 0 KT 0018037 24
Brčko, 05.02.2025. godine

Na osnovu člana 35 stav (2) tačka h) i člana 226 stav (1) Zakona o krivičnom postupku Brčko distrikta Bosne i Hercegovine, p o d i ž e m:

OPTUŽNICU

Protiv:
D. S.

Što je:

Tokom večeri 30.09.2024. godine, u Brčkom, svjestan da ozbiljnom prijetnjom na život i tijelo ugrožava sigurnost D. S., sa kojom je tada bio u procesu brakorazvodne parnice, što je i htio, pozvao je putem telefona i rekao joj da će je lišiti života, što je D. prijavila Policiji Brčko distrikta Bosne i Hercegovine, nakon čega je uporno telefonom nastavio pozivati, pa kada ga je ona blokirala, dana 01.10.2024. godine, u jutarnjim satima, više puta telefonom pozvao D. oca D. M. i između ostalog rekao mu „*De nek se D. javi zovem je nekoliko puta, neće biti dobro, D. zna šta ja imam i da sam u stanju ubiti*“, „*Kad dobiješ penziju nemoj trošiti pare spremaj pare da kupiš bijeli mrtvački sanduk i krst, pokrov i vijenac za svoju kćerku i iskopaj joj odmah grob. Možeš je čuvati 24 sata dnevno, čuvaj je kao zjenicu oka, možeš dotjerati tenk i mitraljez ali je nećeš sačuvati. Izaći će nekad da kupi hljeb, ja ću je dočekati i ubit ću je ili ću je na ulici sresti. Ovo nije prijetnja, ovo ozbiljno govorim.*“, što je D. prijavio Policiji Brčko distrikta Bosne i Hercegovine i obavijestio kćerku D., a koje izrečene prijetnje su kod D. S. izazvale osjećaj straha i bojazni za vlastitu sigurnost,

dakle, ugrozio sigurnost nekog lica ozbiljnom prijetnjom da će ga lišiti života,

čime je učinio krivično djelo – Ugrožavanje sigurnosti – iz člana 180 stav (1) Krivičnog zakona Brčko distrikta Bosne i Hercegovine.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
